

## Transkription von Urkunde BLN 1443a

Ort, Datierung: Berlin, 1443-03-28

Signatur: Stadtmuseum Berlin , IV 2000 / 8 / QÄ

Inhalt: Gherd van Wusstrowe: Übertragung von Lehns- und Rentenbriefen

---

Jk Gherd van wusstrowe Beke(n)ne vor allesweme openbare tugende dat ik vor my vnde vor myne /  
erue(n) günstigen hebbe belegen vn(de) belyge to rechter lifftucht , de eerligen frowe Mechilde Gyse /  
brewitzen eelige husfrowe , myt dussen nabescreue(ne)n gude(re)n vnde renten , besittere dusser  
na=/screue(ne)n houē Jn dem dorpe to zeben belegen Nemelken Jn gerken eluers houē veervntwintig /  
schilli(n)g(e) pe(n)ny(n)ge , Jn wichmans houē vervntwintig schilli(n)g(e) pe(n)ny(n)ge Jn heyne  
lachgen vervntwintig / schilli(n)g(e) Jn Claws karssowe(n) houē veervntwintig schill(inge) , Jn Merten  
schulten houē achte schilli(n)g(e) / pen(n)ny(n)ge Jn Bussen schulten houē , achte schill(inge)  
pen(n)ny(n)ge Jn henneken verbeynen houē veervntwintig schill(inge) / Jn hans saremans houē achte  
schill(inge) Jn heyne lachgen cosseters erue achte schill(inge) pen(n)ny(n)ge vnde Jn / he(n)neke  
moneken houē seuenteyn schillinge pe(n)ny(n)ge Duse vorberürden gudere vnde renten / schal ze  
gebruken Jn geweren hebbe(n) vn(de) beholden , de tijd eres gantzen leue(n)des vngehendert / sunder  
jema(n)des weddersprake , So , alse vor my Cone , her dyderk , vnde gise geheten de / brewitzen sulke  
vorbenomede gude(re) vnde rente eer to gude vp gelaten , de in leens weren / beseten hebben , vnde  
geue eer dar to mynen beleenden mān diderige chuden to ene(n) Jnwisser / De ze dar an , vnde Jn wisen  
schal va(n) mynes hetes wegen , des ik so van em begere To / orkunde is my(n) jngesegel witligen  
gehenget an dussen mynen breff Geue(n) na der bord / (jhesu) (christi) veerteynhundert Jn dem  
drevndveertigsten iare , des du(n)nerdag(es) vor mydvassten /